



# O'ZBEKISTON OVOZI

## Буюк ва муқаддассан, мустақил Ватан!



**Бу ёруғ дунёда ҳаёт бор экан, оила бор. Оила бор экан, фарзанд деб аталмиш бебаҳо неъмат бор. Фарзанд бор экан, одамзот ҳамиша эзгу орзу ва интилишлар билан яшайди.**

**Маънавият — инсонни руҳан покланиш, қалбан улғайишга чорлайдиган, одамнинг ички дунёси, иродасини бақувват, нймон-этиқодини бутун қиладиган, виждонини уйғотадиган беқиёс куч, унинг барча қарашларининг мезонидир.**



### ЎЗБЕКISTON RESPUBLIKASI OLIY MAJLISI QONUNCHILIK PALATASI VA SENATINING QUSHMA QARORI

Ўзбекистон Республикаси Бош вазири Ш.Мирзиёевнинг «Демократик бозор ислохотларини янада чуқурлаштириш ва иқтисодий либераллаштириш борасида ҳукумат томонидан амалга оширилаётган чора-тадбирлар дастури, шунингдек, «Кичик бизнес ва хусусий тадбиркорлик йили» Давлат дастури ижросининг бориши тўғрисида»ги ҳисоботи ҳақида

Ўзбекистон Республикаси Конституцияси 78-моддасининг 15-бандига мувофиқ Олий Мажлис Қонунчилик палатаси ва Сенати Ўзбекистон Республикаси Бош вазири Ш.Мирзиёевнинг Ўзбекистон Республикаси Президенти И.Каримовнинг 2010 йил ноябрь ойида бўлиб ўтган парламент палаталари қўшма мажлисидаги маърузасида баён этилган Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясига мувофиқ ҳукумат томонидан амалга оширилаётган демократик бозор ислохотларини янада чуқурлаштириш ва иқтисодий либераллаштириш борасидаги чора-тадбирлар дастури ҳақидаги ҳисоботини эшитди. Шунингдек, «Кичик бизнес ва хусусий тадбиркорлик йили» Давлат дастури ижросининг бориши ҳам кўриб чиқилди. Таъкидландики, Концепция мамлакатни ислох қилиш ва модернизациялаш, давлат ҳокимияти ва бошқарувини изчил демократлаштириш, ҳокимият тармоқларга бўлинининг конституциявий принципини амалга ошириш, шунингдек, демократик бозор ислохотларини янада чуқурлаштириш ва иқтисодий либераллаштиришда янги босқични белгилаб берди.

Бош вазирининг ҳисоботини эшитиш Концепцияга мувофиқ 2011 йил апрель ойида қабул қилинган «Ўзбекистон Республикаси Конституциясининг айрим моддаларига ўзгартиш ва қўшимчалар киритиш тўғрисида» (78, 80, 93, 96 ва 98 моддаларига)ги Ўзбекистон Республикаси Қонунини рўёбга чиқаришда амалий қадам бўлди, бинобарин бу марказда ва жойларда ижро этувчи ҳокимият органларининг қонун ҳужжатлари талабларига сўзсиз риоя қилиш, ижтимоий-иқтисодий ривожлантиришнинг энг муҳим дастурларини бажариш борасидаги фаолияти устидан парламент назоратини кучайтириш бўйича қонун чиқарувчи ҳокимиятнинг ролини, ваколатларини кучайтиришнинг муҳим омилли бўлди.

Маърузада таъкидланганидек, ҳукумат бозор ислохотларининг ҳуқуқий базасини мустаҳкамлашга катта эътибор берди. Ўзбекистон Республикаси Президенти томонидан тасдиқланган Мамла-

катимизда демократик ислохотларни янада чуқурлаштириш ва фуқаролик жамиятини ривожлантириш концепциясини демократик бозор ислохотларини янада чуқурлаштириш ва иқтисодий либераллаштириш соҳасида амалга оширишга доир чора-тадбирлар дастурини бажариш мақсадида 2011 йилнинг биринчи ярмида Ҳукумат томонидан «Кредит ахбороти алмашинуви тўғрисида»ги, «Рақобат тўғрисида»ги, «Тадбиркорлик фаолияти соҳасидаги рухсатномалар бериш тартиб-қоидалари тўғрисида»ги ва бошқа бир қатор қонун лойиҳалари ишлаб чиқилди ва Ўзбекистон Республикаси Олий Мажлисининг Қонунчилик палатасига киритилди.

Ўзбекистон Республикаси Президенти томонидан тасдиқланган «Кичик бизнес ва хусусий тадбиркорлик йили» Давлат дастурига (бундан буён матнда Давлат дастури деб юритилади) мувофиқ Вазирлар Маҳкамаси томонидан қулай ишбилармонлик муҳитини яратишга, тадбиркорлик фаолиятини ташкил этиш ва олиб бориш тартиб-таомилларини соддалаштиришга қаратилган ташкилий-ҳуқуқий чора-тадбирлар комплекси амалга оширилди. Кичик бизнес субъектларининг давлат харадлари тизимида иштирок этишини ҳамда юқори ликвидли маҳсулотлар олиш имкониятини кенгайтириш, экспорт қилувчи корхоналарнинг маҳсулотларини ва олиб кирадиган технология асбоб-ускуналарини сертификатлаштириш тартибини анча соддалаштириш, тадбиркорлик субъектларининг молия-ҳўжалик фаолиятига дахлдор солиқ текширувларини тубдан қисқартириш бўйича чора-тадбирлар амалга оширилди.

Амалга оширилган ишлар натижасида жорий йилнинг биринчи ярмида 22,8 мингдан ортиқ кичик бизнес корхонаси ташкил этилди, хусусий тадбиркорлик субъектлари томонидан 331,2 мингта иш ўрни яратилди. Кичик бизнес корхоналарининг sanoat маҳсулотини ишлаб чиқариши ҳажми 20,4 фоиз, экспорт ва ўз маҳсулотини биржа савдолари орқали реализация қилиш ҳажмлари 1,5 баробар кўпайди.

(Давоми 2-бетда.)

### Концепция

«Ўзбекистонда кейинги йилларда сунъий йўлдош алоқа тармоғи орқали телерадиодастурларни тарқатиш йўлга қўйилди. Бугунги кунда мамлакатимиз телекоммуникациялар тизими дунёнинг 180 та мамлакатига 28 та йўналиш бўйича тўғридан-тўғри чиқадиган халқаро каналларга эга. Юртимиздаги телерадиоканаллар томонидан тайёрланаётган кўрсатув ва эшиттиришлар Интернет глобал тармоғи орқали реал вақт режимида жаҳонга узатилмоқда».

## Телерадиоэшиттиришларнинг ҳуқуқий асоси

мустаҳкамланиши соҳа тараққиётида муҳим ўрин тутуди



### Истиқлол имкониятлари



## Сифатли, арзон ва қулай

темир-бетон маҳсулотлари келгусида хоризга экспорт қилинади

Узун туманидаги «Энергоқурилишмаҳсулот» шубба корхонасида 20 турдан ортиқ маҳсулот ишлаб чиқарилади ва вилоятларда амалга оширилаётган қурилишларга етказиб берилди.

Айни кунларда бу ерда 45 нафар ишчи меҳнат қилмоқда. Жаҳон талабларига тўлиқ жавоб берадиган замонавий ускуналар билан жиҳозланган корхона маҳсулотлари пишиқ ва сифатли.

Биргина жорий йилнинг ўтган даврида 1 миллиард 200 миллион сўмлик 1 минг 245 метр

куб темир-бетон тайёрланди. Бу ўтган йилнинг шу даврига нисбатан 30 фоиз кўп, демак-дир. Келажакда жамоа «Энергоқурилишмаҳсулот»ларини «Ўзбекистонда ишлаб чиқарилган» тамғаси билан хоризга экспорт қилишни режалаштирмоқда.

Абдумалик ҲАЙДАРОВ



### Эътироф

Ўзбекистонда фан-таълим, маданият билан бир қаторда санъат ҳам юксак даражада ривожланганининг гувоҳи бўлдим. Ўзбек мумтоз куй-кўшиқлари, жозибдор миллий рақси дунё аҳлини ўзига мафтун қилишга қодир. Гўзал ва бетакрор санъатининг намуналаридан баҳраманд бўлганимдан гоят мамнунман.

Пойтахтининг тунги қиёфаси кишига катта завқ бағишлайди. Сержило нур таратаётган ранг-баранг чироқлар шаҳарга байрамона руҳ бағишлайди.

Юртининг гўзал табияти, замонавий бинолари ҳар қандай кишининг ҳавасини келтиради. Ватанимга қайтган, бу ерда кўрган-кечирганларим ҳақида дўстларимга батафсил сўзлаб бераман».

Муҳаммад МЕРҲИ, (Бирлашган Араб Амирликлари).

### Солиқ қўмитасида

## Долзарб вазифалар

муҳокама қилинди

Давлат солиқ қўмитасининг кенгайтирилган ҳайъати йилги бўлиб ўтди. Унда Президентимизнинг «Ўзбекистон Республикасининг 2011 йилги асосий макроиктисодий кўрсаткичлари прогнози ва Давлат бюджети параметрлари тўғрисида»ги Қарорига асосан давлат солиқ хизмати органларининг жорий йил биринчи ярим йиллик фаолияти яқунлари таҳлил қилинди.

Йилгида таъкидландики, ўтган даврда бюджет ва бюджетдан ташқари мақсадли жамғармаларга тушумлар бўйича белгиланган прогноз кўрсаткичлари республика миқёсида тўлиқ бажарилди. Бироқ Қорақалпоғистон Республикаси, Сирдарё ва Сурхондарё вилоятларида бу борада мавжуд имкониятлардан етарли даражада фойдаланилмаётганлиги танқид қилинди.

Шунингдек, тадбирда тадбиркорлик субъектларига солиқ тўлашда қулайликлар яратиш ҳамда солиқ тўловчилар билан ўзаро муносабатни талаб даражасига кўтариш мақсадида давлат солиқ хизмати органларининг ахборот-коммуникация технологияларидан фойдаланиш бўйича режа ва дастурлари ижроси ҳам кўриб чиқилди. Бу борада давлат солиқ қўмитаси тизимида жорий этилган оптик толали алоқа каналлари имкониятларидан тўлиқ фойдаланиш, ҳудудларда, айниқса, Сурхондарё ва Қашқадарё вилоятларида компьютер технологиялари ва дастурий маҳсулотлари билан ишлаш самарадорлигини ошириш, йил қўйлаётган камчиликларни бартараф этишга доир вазифалар белгилаб олинди.

Йилгида 2011 йил учун жисмоний шахсларга ҳисобланган мол-мулк ва ер солиқларининг биринчи тўлов муддатига тааллуқли қисмини ундириш ҳамда солиқ қарзини мажбурий ундирувга қаратиш ишлари Сурхондарё, Хоразм ва Фарғона вилоятларида ўтказилган ўрганишлар натижалари мисолида танқидий таҳлил қилинди.

Тадбир сўнгида давлат солиқ хизмати органлари зиммасига юклатилган вазифалар ижросини таъминлаш, иккинчи ярим йиллик кўрсаткичларни сўзсиз бажариш юзасидан тегишли қарор қабул қилинди.

Тоштемур ХУДОЙҚУЛОВ

«ЎЗБЕКISTON OVOZI» — ХИЛМА-ХИЛ ФИКРЛАР МИНБАРИ, СИЗНИНГ МИНБАРИНГИЗ!

Обуна индекси — 220



Халқаро лицензияланган





2011 йил — Кичик бизнес ва хусусий тадбиркорлик йили

РЕКЛАМА ВА ЭЪЛОНЛАР



**Миллий банкнинг кредит сиёсати салкам 20 йилдан буён Ўзбекистон иқтисодиёти ривожланишининг умумий тенденцияларини акс эттириб келди. Банк ўз асосий функцияларини бажариш давомида иқтисодиётни реструктуризациялаш билан боғлиқ лойиҳаларнинг кўп қисmini молиялаштирмоқда. «Ўзмилийбанк»нинг мижозлар базаси 1996 йилгача экспортга мўлжалланган саноат соҳаларини қамраб олган эди. Бугунги кунда у банк кредит портфелида устувор мақом олган кичик ва хусусий корхоналар ҳисобига кенга бошлади.**

бизнес ривожланишига кўмаклашиб, аҳолининг, ай-

# Миллий банк: молиявий кўмак — фаровонлик манбаи



**Ўзбекистон Республикаси Ташқи иқтисодий фаолият Миллий банки 2011 йилнинг биринчи ярмида кичик бизнес ва хусусий тадбиркорлик корхоналарини ривожлантириш учун жами 304,6 млрд. сўм ҳажмида кредитлар ажратди. Ушбу кредитлар ҳисобидан 6591та иш ўрни яратилди.**

Хизмат кўрсатиш ва сервис соҳасини ривожлантириш учун кичик бизнес субъектларига берилган кредитлар ҳажми 31,5 млрд. сўми ташкил этди.

Кичик бизнес ва хусусий тадбиркорликни хорижий валютада кредитлаш бозорига келсак, бу соҳада Ташқи иқтисодий фаолият Миллий банки мамлакатимиз банклари орасида шубҳасиз етакчилик қилмоқда. У 1994 йилдан буён Халқаро молия корпорацияси (ХМК), Осиё

Тараққиёт банки (ОТБ), Германия Тараққиёт банки (КФВ), ОПЕК Фонди каби ва бошқа турли халқаро молия муассасаларининг кредит йўналишларини ўзлаштириб келмоқда. Бунинг натижасида 300дан ортқ лойиҳа молиялаштирилди.

Жалб этилган маблағлардан самарали фойдаланиш ва потенциал қарз олувчилар учун қулайликлар яратиш мақсадида, «Ўзмилийбанк» томонидан банкнинг барча бўлимлари учун Хитой Дав-



лат тараққиёт банкининг кредит йўналиши маблағлари ҳисобидан кредитлаш лимитлари ўрнатилган. «Ўзмилийбанк» билан ХДТБ ўртасида

имзоланган Кредит битими шартларига мувофиқ, кредитлар саноат ҳамда ишлаб чиқариш корхоналарини ёки компанияларни барпо этиш, модернизациялаш ва кенгайтиришга қаратилган лойиҳаларни, жумладан импорт қилинадиган хомашё ва материаллар сотиб олишини молиялаш учун берилди.

Чунончи, 2011 йил 1 июлдаги ҳолатга кўра, Миллий банк ХДТБнинг маблағлари ҳисобидан қиймати 24,22 млн. АҚШ доллари бўлган 45та лойиҳани молиялаштирди.

«Ландесбанк Берлин»нинг (Германия) 20 млн. АҚШ доллари ҳажмида жалб этилган кредит йўналиши бўйича лойиҳаларни молиялашга тайёргарлик кўриляпти.

**Кредит маблағлари ажратилаётганда биринчи навбатда мамлакат иқтисодиёти олдидаги устувор вазибалар ҳисобга олинади. Банк тўқимачилик корхоналари, қишлоқ хўжалиги маҳсулотини қайта ишлаш, озиқ-овқат маҳсулотлари ишлаб чиқариш каби корхоналарни ташкил этиш ёки модернизациялаш билан боғлиқ лойиҳаларга жиддий эътибор қаратмоқда. Миллий банкнинг кичик бизнес ва хусусий тадбиркорлик субъектларини қўллаб-қувватлаш ҳамда ривожлантириш умумдават дастуридаги иштироки натижасида ўзимизда ишлаб чиқарилган товарлар импорт маҳсулотлар ўрнини тобора кўпроқ эгалламоқда.**

**Шунингдек, бу хизмат кўрсатиш соҳасида ҳам кўзга ташланади.**

Миллий банк кредит портфели хорижий шериклар иштирокидаги қўшма корхоналар, кичик ва хусусий корхоналар, акциядорлик жамиятлари, ширкат ҳўжаликларини ўз ичига олади. Бу эса, озиқ-овқат, енгил саноат, кимё саноати, тиббиёт, қурилиш материаллари саноати, қишлоқ хўжалиги ва иқтисодиётнинг бошқа тармоқларида янгидан янги замонавий ишлаб чиқаришлар пайдо бўлишини билдиради. Чунки, банк кредитлари асосан энг янги технологиялар ва ускуналарни сотиб олишга йўналтирилади.

**Республикада макроиқтисодий барқарорликка эришилганлиги натижасида кичик бизнес янада ривожланмоқда, мамлакат тадбиркорларининг молиявий аҳволи анча яхшиланыпти. Кичик бизнес субъектлари банк олдидаги ўз кредит мажбуриятларини бажаришларида кузатилаётган ижобий динамика ҳам шундан далолат бермоқда.**

Бугун Миллий банк томонидан хусусий тадбиркорлик билан боғлиқ кўплаб истиқболли лойиҳалар молиялаштирилган. Тадбиркорларга кредитлашнинг турли схемаларини тақлиф қилиб, банк фақат даромад олишни ўйлаётгани йўқ. Миллий банк учун ўз мижозларининг молиявий шериги бўлиш, улар билан ҳамкорликни устуворлаштириш ҳамда муҳим аҳамиятга эга.

**«Ўзмилийбанк» матбуот хизмати.**

**Имтиёзли кредитлаш шакли бўлган микрокредитлар бериш амалиёти кенг қўлланилмоқда. Микрокредитларга аҳолининг барча қатламлари орасида, биринчи навбатда қишлоқ жойларда тадбиркорлик ташаббуси ривожланишини рағбатлантиришга йўналтирилган ижтимоий ёрдам турларидан бири деб қаралмоқда.**

ниқса, саноат марказларидан олис туманлардаги фуқароларнинг турмуш даражасини ошираётди, хунармандчилик ишлаб чиқариши ва миллий амалий санъат кўникмалари ҳамда анъаналарини сақлаб қолишда ёрдам бермоқда. Фермер хўжаликларининг эҳтиёжлари учун берилётган кредитлар янги иш ўринлари ва мулкдорларнинг янги синфини вужудга келтириб, қишлоқ жойларда янги турмуш тарзини ривожлантира-



2011 йилнинг биринчи ярмида банк кичик бизнес ва хусусий тадбиркорлик корхоналарини ривожлантириш учун жами 304,6 млрд. сўм ҳажмида кредитлар ажратди. Ушбу кредитлар ҳисобидан 6591та иш ўрни яратилди.

Имтиёзли кредитлаш шакли бўлган микрокредитлар бериш амалиёти кенг қўлланилмоқда. Микрокредитларга аҳолининг барча қатламлари орасида, биринчи навбатда қишлоқ жойларда тадбиркорлик ташаббуси ривожланишини рағбатлантиришга йўналтирилган ижтимоий ёрдам турларидан бири деб қаралмоқда.

Бу маблағлар оилавий

япти. 2011 йил 1 июль ҳолатига кўра, Миллий банк томонидан миллий валютада жами 33,7 млрд. сўмлик 40 мингдан зиёд микрокредитлар ажратилди.

Президентимизнинг шахсий ёрдамчи, деҳқон ва фермер хўжаликларида чорва молларни кўпайтиришни рағбатлантириш чора-тадбирлари тўғрисидаги қарорини бажариш мақсадида фақат 2011 йилнинг 6 ойида Миллий банк ўз маблағлари ҳисобидан 3,82 млрд. сўм миқдорда микрокредитлар ажратди.

Шунингдек, Миллий банк тадбиркор аёлларга 32,1 млрд. сўм ҳажмида кредитлар берди.



**Moody's Investors Service**

2011 йил 18 июлда

**«Moody's Investors Service»**  
Халқаро рейтинг агентлиги

**Ўзбекистон Республикаси ТИФ Миллий банкнинг**  
рейтингларини тасдиқлади

**«Барқарор»**

-банкнинг молиявий барқарорлиги (BFSR) рейтингини **E+**  
-миллий валютадаги депозитлар рейтингини **Ba3**  
-хорижий валютадаги депозитлар рейтингини **B2**

MUASSIS:



O'ZBEKISTON XALQ DEMOKRATIK PARTIYASI MARKAZIY KENGASHI

Bosh muharrir: Safar OSTONOV

TAHRIR HAY'ATI:

Abdulla ORIPOV  
Latif G'ULOMOV  
Bobir ALIMOV  
Sharbat ABDULLAYEVA  
Murodulla ABDULLAYEV

Ulug'bek MUSTAFOYEV  
Tat'yana KISTANOVA  
(Bosh muharrir o'rinbosari)  
G'affor HOTAMOV  
(Bosh muharrir o'rinbosari)

Muslihiddin MUHIDDINOV  
Ochilboy RAMATOV  
Saidahmad RAHIMOV

BO'LIMLAR:

Partiya hayoti — 233-10-13; Madaniyat va sport — 233-69-45;  
Ijtimoiy hayot va iqtisodiyot — 233-44-55;  
Jamoaatchilik bilan aloqalar va huquqiy targ'ibot — 233-12-56;  
Reklama va e'lonlar — 233-38-55, 233-47-80;  
Kotibiyat — 233-72-83, 236-55-17.

MANZILIMIZ:  
100000, Toshkent,  
Matbuotchilar  
ko'chasi, 32-uy.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

\*Sharq\* nashriyot-matbaa aksiyadorlik kompaniyasi bosmaxonasida chop etildi.  
Korxonada manzili: Buyuk Turon ko'chasi, 41-uy.  
Gazeta ofset usulida, A-2 formatida bosildi. Hajmi 2 bosma taboq.

Gazeta seshanba, payshanba va shanba kunlari chiqadi.

«O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

e-mail: info@uzbekistonovozi.uz

Г — 746  
11278  
nuxxada  
bosildi.

t — Tijorat materiallari  
Topshirish vaqti — 21.00  
O'za yakuni — 03.15  
Topshirilgan vaqti — 05.00

Sotuvda erkin narxda

Navbatchi:

Temur XUDOYBERDIYEV

Sahifalovchi-dasturchilar:  
Sobirjon TUNG'ATOV,  
Zafar BAKIROV

ISSN 2010-7633



1 2 3 4 5